

Engadiner Post

POSTA LADINA

Amtliches Publikationsorgan des Kreises Oberengadin und der Gemeinden Sils/Segl, Silvaplana, St. Moritz, Celerina, Pontresina, Samedan, Bever, La Punt Chamues-ch, Madulain, Zuoz, S-chanf, Zernez, Susch, Ftan, Ardez, Scuol, Tarasp, Tschlin, Samnaun

Gövgia, 1. november 2012

POSTA LADINA | 11

Ün mumaint salüdaivel e bramà

Prüma palada pel proget Curtin a Tarasp

D'incuort ha gnü lö la prüma palada illa zona da fabrica Curtin a Tarasp. Previs sun dudesch abitaziuns per fittar ed abitaziuns e studios d'aigna proprietà.

La Cooperativa da fabrica Curtin ha decis da tour per mans las prümas lavuors da fabrica amo quist utuon. La basa per garantir la finanziaziun dal proget es statta la decisiun da la radunanza cumünala da la mità d'october chi ha concess ulteriurs 400 000 francs ad ün impraist total da la vart dal cumün da Tarasp dad 1,6 milliuns francs. Insebel cullas parzialas dals commembers da la cooperativa, cun l'impraist da la banca e culla vendita d'abitaziuns es la finanziaziun garantida. Las lavuors da planisaziun e da submissiun sun suot tet, uschè chi's ha cumanzà uossa cullas lavuors da fabrica.

Cundiziuns favuraivlas

I'l quartier Curtin a Tarasp spordscha il cumün, chi'd es possessur dal terrain da fabrica, cundiziuns favuraivlas per abitaziuns e chasas d'abitar. Cun quai vain datta la pussibilità ad indigens chi han lur domicil a Tarasp da cumprar terrain da fabrica favuraivel. Dasper las parcelas chi vegnan surfabrichadas da la cooperativa spettan ulteriuras parcelas a

cumpraders privats. Il quartier Curtin es situà immez cumün in üna costa chi guarda vers mezdi e saira ed es fich sula gliva e centrala. Implü exista eir la pussibilità da dvanter commember da la cooperativa e decider davart sia part in möd democratic. Cun üna parziala da 500 francs es minchün invità da dvanter commember.

Davo bundant vainch ons cha la zona a Curtin exista vaivan blers fingia temma chi nu gnarà mai fabrica e lündeschdi passà es exeguida la prüma palada e cun quai il cumanzamaint da fabrica dal proget da Curtin cun abitaziuns per indigens. Sco cha'l capo cumünal da Tarasp, Christian Fanzun, ha fat ressortir, salüda la politica cumünala ed eir ils

abitants da Tarasp quist cumanzamaint da fabrica lösch bramà e speran da pudair bivgnantar in cumün famiglias giuvnas chi implischan darcheu la scuola, chi dan nouva vita in cumün, chi pajan impostas e fan eir lur cumischiuns a Tarasp. Da vart da la politica cumünala haja vulgü gronds sforz per rivar al resultat salüdaivel. (anr/bcs)



Cul proget Curtin a Tarasp vegnan realisadas abitaziuns favuraivlas per indigens a Tarasp.

Illustraziun: Fanzun SA